

18. Meur a iliz, meur a chapel,
A vez gwelet, e Breiz-Izel,
Gant hon Tadou savet gwechall,
Da enori Sant Tugdual.
19. Aman ivez eur chapel goant
'Zo bet savet evit ar Sant :
Ni holl enni 'dile daoulina
'Vit e bedi d'hor benniga.
20. O Sant karet a diwallit mat
Ho pugale 'kreiz ar stourmad ;
Grit ma c'hellimp, en ho kichen,
Meuli Doue da virviken.



BASTIEN.

Imprimatur :

Quimper, le 11 Juin 1930.

P. MESSEGER,

Vic. gén.

Gwerz Sant Tugdual.

Ton reizet gant an Ao. Mayet.



Sant Tug-du - al a zo be - pred e Lan-du -



dal ka - ret meur - bet. Nep na gar ket Sant Tug-du -



al, hen-nez n'eo ket eus Lan-du - dal. Nep na gar



ket Sant Tu - du - al, hen-nez n'eo ket eus Lan-du - dal

DISKAN :

*Sant Tugdual a zo bepred,
E Landudal, karet meurbet.
Nep na gar ket Sant Tugdual,
Hennez n'eo ket eus Landudal.*

1. Sant Tugdual a zo ganet,
Eus a lignez ar rouaned,
Ebarz ar vro hanvet Breiz-Vras
Kelc'het, c'houi oar, gant ar mor glas.

2. Kaout a reas, harz e gavel,
Eur vamm gristen 'vit e sevel :
Rak koupaia, e vamm garet,
'Oa eur santez, ret eo laret.
3. Eürus, eürus ar vugale
O deus eur vamm hervez Doue :
Deski a reont war e barlenn
Penaos gounit o c'hurunenn.
4. Tugdualig abred, abred,
A zisprijaz madou ar bed ;
Met 'vit beza santeloc'h c'hoaz,
'Neur manati en em dennas.
5. Heulia 'reas hep damanti
Reoleñn striz ar manati ;
Dre ar rusta pinijennou
E kastizas e wall dechou :
6. Chom hir amzer gant ar bedenn,
Kousket nebeut war dri blankenn,
Labourat start, yun didruez,
Setu ar reiz eus e vuhez.
7. An ankou mut hag hep lagad
A ziskaras an Tad Abad.
Raktal, da ren ar venec'h all,
E voe hanvet sant Tugdual.
8. Dont a reas, prestik goude,
Da Vreiz-Izel, war urz Doue,
Gant he vamm vat, he c'hoar Seva
Ha diskibien eus ar fura.
9. Piou 'lavaro pet gwech e Breiz
Eprezegas lezenn ar feiz,
Ha pet burzud a c'hoarvezas,
Dre gement lec'h ma tremenas ?
10. Piou 'lavaro pet abati,
Pet ospital, pet peniti,
A voe savet, hep dale pell,
War e c'houlenn, e Breiz-Izel ?
11. Sant Tugdual a dremene
An darn vuia eus e vuhe
En eur gouent etre diou ster,
E lec'h m'ema kêr Landreger.
12. Goude maro eskob ar vro,
Pobl ha roue, holl war eun dro,
A wir galon a lavaras :
« Ret eo d'ar Sant mont en e blas. »
13. Klask a reas pellaat ar bec'h,
Met n'hellas ket kutuilh an trec'h :
Goude gouarn eun abati,
E rankas ren eun eskopti.
14. Betek neuze kêr Lexobi
A oa kêr-benn an eskopti ;
Met Tugdual 'reas ober
Ar ger-eskop e Landreger.
15. Evel eskob e kendalc'has
Da vale striz war hent ar groaz,
Ha da hada, dre e gomzou,
Greun mat ar feiz er c'halonnou.
16. Burzudou bras, gant gras Doue,
'C'helle d'ober e pep mare,
Betek lakaat eun den mervet
Da sevel beo eus e arched.
17. Pa voe galvet gant e Salver :
« Deuit da repoz, gwir servijer, »
E kimiadas diouz ar bed-man ;
Er baradoz ema breman.